

Skatterådimit najoqutassiaq

Pillugu: Nerisaqarnermut aningaasartuutit il.il. ilanngaatiginerat.

Nerisat il.il. sulinermut atatillugu aningaasartuutit naliginnaasumik nammineq privatimik aningaasartuutit isigineqartarput, aningaasarsiallu akileraaruteqaataasussat naatsorsorneranni ilanngaataasinnaanatik.

Akilerartartoq suliamentut naliginnaasumut atatillugu najukkami/angerlarsimaffimmi (Kalaallit Nunaanni) avataaniippat, tamatumangalu atatillugu nerisanut il.il. immikkut aningaasartuuteqartariaqarsimappat aningaasartuutit taamaattut taammaattoq ilanngaatigitinneqarsinnaapput.

Ilanngaateqartitsisoqarsinnaangilarli angalanermi ullormusiaqartitsisoqarpat imaluunniit angalanermut tapisiaqartitsineqarpat akilerartarnermi inatsimmi § 24, nr. 9 malillugu akileraaruteqaataasussaangitsunik.

Skatterådip aalajangiuppa ukioq aningaasarsiorfik 1986 aallarnerfigalugu qulaani taaneqartutut immikkut aningaasartuuteqartoqarsimatillugu imatut iliortoqartassasoq:

Nerisanut il.il. immikkut aningaasartuutit

Immikkut aningaasartuutit uppernarsaaserneqarsimasut ilanngaatissatut akuersissutigineqarsinnaapput.

Qanoq atsigisumik immikkut aningaasartuuteqarnermut najoqutassaaq ullormut ataatsimut immikkut aningaasartuuteqarsimaneq uppernarsaasikkap "akeqanngitsumik nerisaqarnerup nalinga"-nut naleqqiunneqarnera, taamaalillunilu akiliutip "akeqanngitsumik nerisaqarnerup"-mut Skatterådip ullormut naliliussaanut naleqqiullugu sippuutaa ilanngaatigitinneqarsinnaavoq.

Najugarisamut immikkut aningaasartuutit

Immikkut aningaasartuutit uppernarsaatillit ilanngaatigineqarsinnaapput.

Kalaallit Nunaanni illoqarfittut angerlarsimaffiup/naliginnaasumik suliffiup avataani najugarnermi akeqanngitsumik inissaqartitsisoqartillugu - sulisitsisumiit, imaluunniit taassuma ineqarneq akilerpagu - taassuma nalinga akileraaruserneqassanngilaq, akilerartartup pineqartup initoqqani/najugatoqqani pigiinnarpagu.